

Na osnovu člana 88. stav 6., 9., 10. i 11. i člana 94. stav 2. tačka g) Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17), člana 3. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17), saglasnosti Ministarstva za obrazovanje, nauku i mlade Kantona Sarajevo broj 11-34-27750-22/18 od 11.07.2018. godine, člana 70. Pravila škole i Odluke Školskog odbora Javne ustanove Osma osnovna škola „Amer Ćenanović“ Ilidža broj 38-II-478/18 od 30.07.2018. godine, raspisuje se

JAVNI KONKURS
za popunu upražnjenih radnih mjesta

Raspisuje se konkurs za popunu upražnjenih radnih mjesta:

1. Nastavnik/nastavnica njemačkog jezika... 1 izvršilac, 3 časa nastavne norme sedmično, na određeno vrijeme od 01.09.2018. godine do 31.08.2019. godine;
2. Nastavnik/nastavnica informatike... 1 izvršilac, 20 časova nastavne norme sedmično, na određeno vrijeme od 01.09.2018. godine do povratka radnika sa funkcije direktora škole, a najkasnije do 31.08.2019. godine
3. Nastavnik/nastavnica tehničke kulture i informatike.... 1 izvršilac, 14 časova nastavne norme sedmično (tehnička kultura i osnove tehnike), na određeno vrijeme od 01.09.2018. godine do 31.08.2019. godine;
4. Nastavnik/nastavnica tjelesnog i zdravstvenog odgoja....1 izvršilac, 4 časa nastavne norme sedmično, na određeno vrijeme od 01.09.2018. godine do 31.08.2019. godine;
5. Radnik/radnica na održavanju čistoće... 1 izvršilac, puno radno vrijeme (40 sati sedmično), na određeno vrijeme od 01.09.2018. godine do 31.08.2019. godine.

Za navedeno radno mjesto, kandidati pored općih uslova propisanih Zakonom o radu, moraju ispunjavati i posebne uslove propisane Zakonom o osnovnom odgoju i obrazovanju, Nastavnim planom i programom za osnovne škole, Pedagoškim standardima i općim normativima za osnovni odgoj i obrazovanje i normativnim aktima škole.

Kandidati za radno mjesto broj 5 moraju ispunjavati sljedeće uslove: završena osnovna ili srednja škola.

Uz prijavu kandidati su dužni priložiti:

1. Obaveznu dokumentaciju:

- a) Svojeručno potpisanu pisanu prijavu na konkurs sa kratkom biografijom, kontakt podacima, tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs,
- b) Diplomu/svjedodžbu o stečenoj stručnoj spremi ili akademskom zvanju,
- c) Izvod iz matične knjige rođenih,
- d) Uvjerenje o državljanstvu (ne starije od šest mjeseci od dana objavljivanja konkursa),
- e) Druge dokaze o ispunjavanju uslova za to radno mjesto utvrđenim Pravilnikom u unutrašnjoj organizaciji i sistematizaciji radnih mjesta.

2. Dodatnu dokumentaciju :

- a) Uvjerenje/potvrdu o radnom stažu i uvjerenje sa šifrom zanimanja koje izdaje Fond za penzijsko-invalidsko osiguranje,
- b) Potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao,
- c) Uvjerenje o položenom stručnom ispitu,
- d) Potvrdu o vremenu provedenom na evidenciji Službe za zapošljavanje Kantona Sarajevo (ne starije od tri mjeseca),
- e) Rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- f) Rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,
- g) Rješenje/uvjerenje nadležnog Kantonalnog/Općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci),
- h) osobe koje imaju status po osnovu dopunskih prava boraca – branitelja BiH obavezne su pored rješenja/uvjerenja nadležnog Kantonalnog/Općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci),
- i) potvrdu o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. ZUP-a FBiH (2/98 i 48/99).

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju Odluke o izboru kandidata.

Po konačnosti Odluke o izboru radnika, izabrani kandidat je dužan dostaviti ljekarsko uvjerenje nadležne zdravstvene ustanove, koje nije starije od šest mjeseci, kao i drugu dokumentaciju u skladu sa zakonom i internim aktima ustanove, nakon čega direktor zaključuje ugovor o radu sa izabranim kandidatom.

Kriteriji, procedure, uslovi, način bodovanja i izbor kandidata po ovom Javnom konkursu utvrđeni su Pravilnikom sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17).

Konkurs ostaje otvoren osam (8) radnih dana od dana objavljivanja, odnosno do ponedjeljka, **13.08.2018.** godine.

Prijava kandidata koji nije dostavio **dodatnu dokumentaciju** će se smatrati urednom, a prijavljeni kandidati će se bodovati samo po osnovu onih kriterija za koje je dostavio urednu dokumentaciju.

Nepotpune, neblagovremene i neuredne prijave neće se uzimati u razmatranje.

Prijave sa dokazima slati na adresu: **Javna ustanova Osma osnovna škola „Amer Ćenanović“ Ilidža, Ilirska broj 2, 71 210 Ilidža.**

ŠKOLSKI ODBOR